

Ժողովուրդ

127
(2977)

20 սեպտեմբերի ուրբաթ 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԻՆՉՈՒ Է ԱՄԵՆ ԱՄԻՍ ԳՈՒՄԱՐ ՏՎԵԼ Ե. ՓԱՇԻՆՅԱՆԻ ԽՄԲԱԳՐԱԾ ԹԵՐԹԻՆ



Վերջերս ՀՀ դատախազությունը մեծ շուքով հրապարակեց Վատիկանում ՀՀ նախկին դեսպան Միքայել Մինասյանին վերաբերող 76 դրվագով քրեական վարույթի մասին:

«Ժողովուրդ» օրաթերթը այս առիթով ՀՀ քննչական կոմիտեի ղեկավարին մի քանի հարց է ուղարկել՝ մասնավորապես հետաքրքրվելով.

• «արդյոք ուսումնասիրվել են «Հայկական ժամանակ»-ի հետ Մ. Մինասյանի փոխհարաբերությունները

• մասնավորապես ինչ պայմաններից կամ դրդապատճառներից ելնելով է «Պրեսս ստենդ» ընկերությունը, որը ըստ Դատախազության տնտեսական գործունեության դեմ ուղղված հանցագործությունների գործերով վարչության պետ Սամվել Հակոբյանի՝ փոխկապակցված է Միքայել Մինասյանի հետ, գնել «Հայկական ժամանակ» օրաթերթի ամբողջ տպաքանակը՝ առանց վերադարձի. իսկ մյուս թերթերի դեպքում այդպիսի պայմանագիր չի եղել: Ինչ իրական պայմանավորվածություն կամ դրդապատճառ կար այդ արտոնյալ պայմանագրի հետեւում»:

Քննչական կոմիտեն այս հարցերի պատասխանը համարել է նախաքննական գաղտնիք:

«Ժողովուրդ» օրաթերթի մյուս հարցին, թե «Միքայել Մինասյանը իր՝ 2020 թվականի հունիսի 20-ի «Ստի վերջը 10» «խոհանոցային» բացահայտման ժամանակ հայտարարել էր, որ ամեն ամիս ՀԺ փոխնախագահի Հայկ Գեորգյանի միջոցով կոնկրետ գումար է փոխանցել ՀԺ-ի խմբագիր Նիկոլ Փաշինյանին, որ նրա ընտանիքի մասին Նյու Յորքի ՀԺ-ում. արդյոք այս դրվագով քննություն իրականացվում է, եւ ի՞նչ տոր հանգամանքներ կան հանրային հարթակում հնչեցված աղմկալի այս բացահայտումից հետո: Չվստասելով նախաքննությունը՝ ակնկալում ենք հնարավորինս ընդգրկուն պատասխաններ»:

Սակայն այս պարզ հարցին էլ ՀՀ քննչական կոմիտեն տվել է պատասխան, թե «հայցվող տեղեկությունները համարվում են նախաքննական գաղտնիք, որոնց տրամադրումը ներկայումս նպատակահարմար չէ»:

Անահիտ Ավանեսյանը ՀՀ առողջապահության նախարար է դարձել 2021 թվականին եւ նշանակումից մեկ տարի անց դարձել է «Քաղաքացիական պայմանագիր» կուսակցության անդամ: «Ժողովուրդ» օրաթերթի տեղեկությունների համաձայն՝ Անահիտ Ավանեսյանը իշխանության եկել է «նախկինների» աջակցությամբ եւ միջամտությամբ: Բանն այն է, որ Լեւոն Տեր-Պետրոսյանի կինը՝ Լյուդմիլա Տեր-Պետրոսյանը, Անահիտ Ավանեսյանի մոր՝ Մարգարիտա Վարդանյանի մտերիմ ընկերուհին է: Ավանեսյանը 90-ականներին հայտնի Դեղագիտական ասոցիացիայի նախագահ ու «ԱրՖարմացիա» դեղագործական ընկերության տնօրեն Մարգարիտա Վարդանյանի դուստրն է: Ավանեսյանի կապերը Լեւոն Տեր-Պետրոսյանի քաղաքական շրջանակի հետ ներկայումս, կարծես, սառեցված են, սակայն իշխանությունը նախարարի անցյալը չի մոռանում: «Ժողովուրդ» օրաթերթը գրել էր, որ Անահիտ Ավանեսյանի ընտանիքին պատկանող «Ուիզմոր» բժշկական կենտրոնին ՀՀ առողջապահության նախարարությունը բացումից օրեր անց 600 միլիոն դրամ՝ գրեթե 1,5 միլիոն դոլար գումար հատկացրեց: Հարցեր առաջացան, բայց դրանք մնացին անպատասխան, քանի որ իշխանությունն այս փաստը որպես գեղք է պահում: Ավանեսյանի սայթաքումների դեպքում օգտագործելու համար: Անահիտ Ավանեսյանի այս փոխանցումը ենթադրյալ կոռուպցիոն ռիսկեր է պարունակում, ինչը դեռեւս անպատիժ է մնում:



Քր-ականները սպասում են Նիկոլ Փաշինյանի հրահանգին, որպեսզի հասկանան՝ մասնակցե՞ն սեպտեմբերի 28-29-ին Մայր տաճարի Վերածման եւ Մյուռնոսիոնության սուրբ արարողություններին, թե՛ ոչ: «Ժողովուրդ» օրաթերթին վարչապետի մամուլի քարտուղար Նազելի Բաղդասարյանը հայտնել էր, որ վարչապետը հրավեր ստացել է, բայց մասնակցության հարցը դեռ քննարկում են: «Ժողովուրդ» օրաթերթը փորձել է Փաշինյանի կառավարական կաբինետի նախարարների խոսնակներից պարզել՝ արդյոք նրանք մասնակցելու են սուրբ ծիսակատարություններին: Պարզեցինք, որ նախարարների մի մասը դեռ որոշում չունի, իսկ մյուսների խոսնակներն էլ դեռ չեն արձագանքել: Միայն ցավակցական ու շնորհավորական ուղերձներ հղող ՀՀ նախագահի գրասենյակից «Ժողովուրդ» օրաթերթին հայտնել են, որ սեպտեմբերը ծանրաբեռնված է. ուստի դեռ որոշում չկա մասնակցության վերաբերյալ: ՄԻՊ գրասենյակից մեզ եւս ասացին, որ ստացել են Սրբալույս Մյուռնոսի օրհնության արարողությանը մասնակցելու հրավեր, սակայն մասնակցության վերաբերյալ հորդորեցին հետեւել պաշտոնական լրահոսին: ՔՊ-ական պատգամավորներից մի մասի խոսքով՝ Մայր Աթոռից իրենք դեռեւս հրավեր չեն ստացել, իսկ ստանալու դեպքում չգիտեն՝ կգնան, թե՛ ոչ: Այսինքն՝ իշխանականներին անգամ եկեղեցական սուրբ արարողություններին մասնակցելու համար Նիկոլ Փաշինյանի թույլտվությունն է պետք. ու հիմա ամբողջ թիմով սպասում են՝ տեսնեն իրենց ղեկավարը գնալու է, թե՛ ոչ, նոր, ըստ այդմ, որոշում կայացնեն:



«Ժողովուրդ» օրաթերթի տեղեկությունների համաձայն՝ իրավապահ համակարգը, ամենայն հավանականությամբ, կկարճի Արագածոտնի մարզպետ Սերգեյ Մովսիսյանի ու «օրենքով գողի» հարազատի միջադեպի գործը: Մեզ հասած տեղեկությունների համաձայն՝ մարզպետին նախաքննական մարմինը չի հարցաքննել, ու դատելով իրավիճակից՝ չի էլ հարցաքննել, եւ, ինչպես ՔՊ-ականների մասնակցությամբ բոլոր միջադեպերը, այս մեկն էլ ծածկադմիկոց կարվի: Հիշեցնենք, որ Աշտարակ քաղաքում հայտնի «Նվոյին» պատկանող Wine Corner Ashtarak-ում քաջքշուկ էր տեղի ունեցել: Օգոստոսի 26-ին Shamshyan.com-ը գրեց, որ Hayat Project-ի համերգի ժամանակ ներկա են եղել նաեւ Արագածոտնի մարզպետ Սերգեյ Մովսիսյանը եւ «օրենքով գողի» զարմիկը, որի հետ պաշտոնյան վիճաբանություն է սկսել այն բանի համար, որ պատվիրել է երգ՝ «Вот такая доля воробья»-ն, ու մարզպետն ընդդիմացել է՝ ասելով. «Ես այստեղ դու ինչ-որ գողական երգ ես պատվիրում», ու սկսվել է վիճաբանություն: Ավելին՝ «Ժողովուրդ»-ը գրել էր, որ իրավապահները միջադեպից հետո մարզպետից հետաքրքրվել են, թե ինչ ծեծկտուռ է եղել: Մեզ տեղեկություններ հասան, որ մարզպետ Մովսիսյանը երդումներ է տվել, թե ընդամենը լեզվակոխվել է եղել, ծեծկտուռ չի եղել: Փաստ է մեկ բան՝ նախաքննությունը շարունակվում է ու իրավապահները տրամադրված են գործը կարճելու:



Շարունակությունը՝ ArmLur.am կայքում:

ԶՐՈՒՅՑ

«ԵՄ ՀԱՎԱՏՈՒՄ ԵՄ ԱՐՑԱԽ ՏՈՒՆԴԱՐՁԻՆ», ՀՈՎՀԱՆՆԻՍՅԱՆ

Ադրբեջանի կողմից Արցախի բռնազավթման և Արցախի ժողովրդի բռնի տեղահանության սարելիցի կաղակցությամբ Արցախի Հանրապետության գործադիր, օրենսդիր իշխանության ներկայացուցիչները, նախագահ Սամվել Շահրամանյանի գլխավորությամբ, ինչդեռ նաև մեակուսային և ֆաղափական գործիչներ, բազմաթիվ ֆաղափացիներ ու գոհված զոհների հարազատներ այցելել են Եռաբլուր զինվորական դամբարան: Երանգ ծաղիկներ են խոնարհել՝ հարգանքի տուրք մատուցելով Արցախի համար նահապետական բոլոր հայրենակիցների համար:



«Ժողովուրդ» օրաթերթը աշխատել է տեղում և գրուցել հասարակական, քաղաքական գործիչների, մշակույթի ոլորտի ներկայացուցիչների հետ:

«Ժողովուրդ» օրաթերթի հետ գրուցում մշակութային գործիչ Ռուբեն Յովհաննիսյանն ասել է. «միայն գերեզման եւ Եռաբլուր սարքելով չէ, պետք է մարդկանց միտքը կառուցել»:

Հարցազրույցը մանրամասն ներկայացնում ենք ստորև:

-Պարոն Յովհաննիսյան, Արցախի հայաթափումից անցել է մեկ տարի, եւ մեկ տարի է, ինչ հայկական երկրորդ պետությունը գտնվում է օտար երկրի տիրապետության տակ: Մեկ տարի անց, վերլուծելով փաստերը, հնչած արտահայտություններն ու իրադրությունը, ի՞նչ կարող ենք արձանագրել: Ձեզ համար պարզ է հիմնական մեղավորների շրջանակը: Որո՞նք են պարտվելու ու այսքան զոհեր տալու հիմնական պատճառները:

-Մեղավորները ակնհայտ են, սակայն, նրանցից զատ, մեղավորություն պետք է գտնել նաեւ մեր մեջ: Հավատացիք թուրքի խոսքին, որը մեզ պառակտեց, տարավ պարտության, ապա Արցախի կորստին: Անցած մեկ տարվա ընթացքում մեր հայրենակիցների համար ոչ մի բարոյահոգե-

բանական քայլ չարվեց: Միայն գերեզման, Եռաբլուր սարքելով չէ, մարդկանց միտքն ու հոգին է պետք կառուցել, ու ամենօրյա աշխատանքով վառ պահել այն հույսը, որ տունդարձի հնարավորություն դեռ կա...Տավալի է, շատ ցավալի...:

-Փաստորեն, իրատեսական էք համարում այն տեսլականը, որ թեկուզ տարիներ անց Արցախ վերադարձի հնարավորություն կլինի:

Արցախի իշխանությունները նշում են, որ ճիշտ բանակցությունների դեպքում դա հնարավոր կլինի, իսկ Նիկոլ Փաշինյանը ասում է, որ դա անիրատեսական է:

-Ես գրեթե ամենուրեք խոսում եմ Արցախ վերադարձի մասին եւ հավատում եմ դրան: Ինձ շատերն հակադարձում են, թե հեքիաթ եմ ասում:

Մանկությունից որքան հեքիաթ որ ինձ պատմել են, կամ ես կարդացել եմ, բոլորն իրականացել են, ուրեմն՝ թող սա էլ լինի իմ հեքիաթը, որը կիրականանա. իսկ նրանք, ովքեր չեն հավատում, թող չխանգարեն մեր երազանքների իրականացմանը՝ մեր տունդարձին, քանի որ միեւնույնն է լինելու է: Ես հավատում եմ դրան:

Հրույցը ԶԻՒՄԻՆԱ ՄՈՒՇԵՂՅԱՆԸ

ԱՆՈՐԱԴԱՐՁ

«ԵՐԵՎԱՆԻ ՓՈԽԱՐԵՆ ՊԻՏԻ ՀԱՆԴԻՊԵՒՆԸ ՍՏԵՓԱՆԱԿԵՐՏՈՒՄ»

-Ես խոնարհվում եմ ձեր առջեւ, սիրելի արցախցի քույրեր եւ եղբայրներ, ամոթ եմ զգում ձեր առջեւ, - այս մասին Սուրբ Խաչ եկեղեցում, դիմելով արցախցիներին, ասաց Բագրատ Սրբազանը:

«Ամոթ եմ զգում, որ չեմ կարողացել տեր կանգնել այն հերոսական կյանքին, որ դուք էք դրել: Ամոթ եմ զգում, որ այստեղ՝ Երեւանի սրտում եմ ձեզ հանդիպում, մինչդեռ մեզ համար մի մեծ տոնախմբություն կդառնար՝ Ստեփանակերտում Շուշուում, Գանձասարում եւ Ամարասում միասին հանդիպելինք», - ասաց նա:

ԱՐՑԱԽԸ ՀԱՅԱԹԱՓՎԵՑ ՄԵԿ ՏԱՐԻ ԱՌԱՋ

Ադրբեջանի ներխուժում Արցախի Հանրապետություն, Ադրբեջանի Հանրապետության զինված ուժերի կողմից մեկնարկված լայնամասշտաբ ռազմական ագրեսիան՝ ընդդեմ Արցախի Հանրապետության, որը սկսվել է 2023 թվականի

սեպտեմբերի 19-ին՝ ժամը 13:00-ի սահմաններում, եւ ուղեկցվել հայ ազգաբնակչության նկատմամբ իրականացվող էթնիկ գտնումներով:

Հարձակումը սկսվել է զանգվածային իրադրություններով, ապա օգտագործվել են անօդաչու թռչող սարքեր, որին զուգահեռ առաջնագծի միջոցառումներն ուղեկցվել են ինտենսիվ մարտեր: Իբրեւ թե առաջնահերթ թիրախներ են ընտրվել տարբեր ռազմական օբյեկտները, որոնց ուղղությամբ, տարբեր միջոցներով, զինատեսակներով կրակ է բացվել: Ստեփանակերտում հայտարարվել է օդային տագնապ:

Հրետակոծվել են մայրաքաղաք Ստեփանակերտը, այլ քաղաքներն ու գյուղերը: Մարտական գործողություններ են սկսվել շիրակյան գծի ողջ երկայնքով: Արցախի պաշտպանության բանակը ծանր մարտեր է մղել ճակատի տարբեր ուղղություններում, մի շարք հատվածներում ինտենսիվ կրակով կասեցվել է ադրբեջանական բանակի մարտերը: Ադրբեջանական կողմը տարբեր վայրերում թիրախավորել էր կապի ամբողջական համակարգը: Բացի ռազմական օբյեկտներից, հրետանու, անօդաչու թռչող սարքերի, եւ որոշակի իրադրություններ համակարգերի միջոցով թիրախավորվել են նաեւ քաղաքացիական տարբեր օբյեկտներ: Ադրբեջանական զինված ուժերը, շիրակյան գծի ողջ երկայնքով իրականացնելով իրադրություններ:

ին նախապատրաստություն, փորձել են առաջնակա Արցախի Հանրապետության Պաշտպանության Բանակի պաշտպանության խորքը: Հայկական զորքերը ցուցաբերել են համառ դիմադրություն, սակայն մեր կողմից ես եղել են վիրավորներ:

Հարձակմանը նախորդել է Ադրբեջանի ԱԳՆ-ի կողմից կեղծ տեղեկատվության տարածում ականապատման եւ դիվերսիոն գործողությունների մասին: Ադրբեջանի պաշտպանության նախարարությունը հաղորդագրություն է տարածել այն մասին, որ Արցախի Հանրապետության տարածքում ռուսական խաղաղապահ զորակազմի գորակազմի պատասխանատվության գոտում, սկսում է տեղային բնույթի «հակահարձակման միջոցառումներ» սահմանադրական կարգի վերականգնման նպատակով: Ձեռնարկված միջոցառումների մասին, ըստ ադրբեջանական կողմի հաղորդագրության, տեղեկացվել են ռուսական խաղաղապահ զորակազմի հրամանատարությունը, ինչպես նաեւ համատեղ գործող՝ ռուս-թուրքական մոնիտորինգային կենտրոնը: Ռուսաստանի ԱԳՆ պաշտոնական ներկայացուցիչ Մարիա Զախարովան հաստատել է ադրբեջանական կողմից իրագրված լինելու փաստը:

Արցախի Հանրապետության իշխանությունները հայտարարել են, որ Ադրբեջանը ցանկացել է Արցախում իրականացնել հայերի էթնիկ գտնում եւ վարում է ցեղասպան քաղաքականություն:



ՀԱՄԱՅՆՔԱՊԵՏԸ ՀՐԱԺԱՐԱԿԱՆ ԿՏԱ

«Ժողովուրդ» օրաթերթի տեղեկությունների համաձայն՝ օրերս տեղի ունեցած ԶՊ վարչության նիստում որոշել են, որ Սյունիքի մարզի Սիսիանի համայնքապետ Արմեն Հակոբջանյանը պետք է հրաժարական ներկայացնի:

Քաղաքական իշխանությունը բացահայտել է, որ ԶՊ-ական քաղաքապետը հայրենի ընդդիմության հետ սերտ կապերի մեջ է եղել:

Ավելին՝ ըստ «Ժողովուրդ» օրաթերթին հասած լուրերի, Հակոբջանյանի հրաժարականի հարցը բարձրաձայնել է նույն մարզի ԶՊ-ական պատգամավոր Կարեն Համբարձումյանը:

Նկատելիք, որ Արմեն Հակոբջանյանը Սիսիանի նախկին քաղաքապետ Ադասի Հակոբջանյանի եղբորորդին է: Փաստորեն, Նիկոլ Փաշինյանը նախկինում քրեական գործերով անցնող Սիսիանի նախկին քաղաքապետ Ադասի Հակոբջանյանի եղբորորդուն նշանակել էր համայնքի ղեկավարի ժամանակավոր պաշտոնակատար:

«Ժողովուրդ» օրաթերթը փորձեց կապ հաստատել Սիսիանի համայնքապետ Արմեն Հակոբջանյանի հետ, սակայն նա այդպես էլ չպատասխանեց մեր զանգերին:

«Ժողովուրդ» օրաթերթը փորձեց կապ հաստատել նաեւ նույն մարզի ԶՊ-ական պատգամավոր Կարեն Համբարձումյանի հետ, ով հորդորեց մեզ գրավոր հարցում ուղարկել:

ՀԵՏԱՊՆԴՈՒՄ ԱՅԼԱԿԱՐԾՈՒԹՅԱՆ ՀԱՄԱՐ

Աժ մարդու իրավունքների պաշտպանության եւ հանրային հարցերի մշտական հանձնաժողովի լիազորություններից ապօրինաբար զրկված նախագահ, անկուսակցական պատգամավոր Թագուհի Թովմասյանը սոցցանցի իր էջում գրում է.

«Փաստացի իմ նկատմամբ (ես գործով դեռ վկա եմ անցնում) հարուցված քրեական վարույթի առիթով դիմել եմ միջազգային գործընկերներին՝ ինչպես քաղաքական, այնպես էլ խոսքի ազատության եւ ընդհանրապես մարդու իրավունքների պաշտպանությամբ զբաղվող կառույցներին:

Եվ ակնկալում եմ գործուն աջակցություն՝ պայքարելու իմ նկատմամբ ապօրինաբար գործադրվող ճնշման գործընթացի դեմ, քանի որ ես Հակակոռուպցիոն կոմիտեում քննվող վարույթը համարում եմ.

- խոչընդոտ միջազգայնորեն սահմանված եւ ներպետական օրենսդրությամբ ամրագրված ազատ խոսքի իրավունքի
- խոչընդոտ իմ որպես պատգամավորի, անկախ, անկաշկանդ գործելու իրավունքի
- ճնշում, որպեսզի ուրիշի խախտված իրավունքների վերականգնմամբ չզբաղվեմ
- արգելք՝ միջազգային գործընկերների հետ հաղորդակցվելու
- փաստացի հետապնդում իմ արտահայտած կարծիքի համար

Իհարկե, ես շարունակելու եմ աշխատել այնպես, ինչպես որ աշխատում եմ տարիներ շարունակ եւ հավատարիմ եմ մնում արդարության, թափանցիկության ու մարդու իրավունքների սկզբունքների պաշտպանության իմ հանձնարարությանը»:

ԻՐԱՎԻՃԱԿ

ԼՂ ԶԱՆԶՆԱԽԱՄԻ ԶԱՅՏԱՐԱՐՈՒԹՅՈՒՆ

ԽԱՂԱՂՈՒԹՅԱՆ ԸՆԿՆՈՒՄԻ ԶԱՅՏԱՐԱՐՈՒԹՅԱՆ ՏԵՍԼԱԿԱՆ

ԻՐԱՆԸ ՀԵՐՔԵԼ Է ՊԱՅԹՅՈՒՆԻ ՎԵՐԱԲԵՐՅԱԼ

Իրանը կտրականապես հերքել է երկրի նախկին նախագահ Էրախիմ Ռայիսիի զոհվելու հանգամանքների մասին իսրայելական մի շարք լրատվամիջոցների հրապարակած լուրերը: Իրանական Tasnim լրատվական գործակալության տարածած հաղորդագրությունում նշվում է, որ սուտ են պնդումներն այն մասին, թե նախկին նախագահը զոհվել է փեյջերի պայթյունի հետևանքով: Նման լուրերը, ըստ գործակալության, միտված են խաթարելու Իրանի բնակչության վստահությունը երկրի ռազմական և պետական կառույցների նկատմամբ և հասարակության շրջանում վախի և հուսահատության զգացում սերմանելու:

Իրանի նախկին նախագահ Էրախիմ Ռայիսիին, արտագործնախարար Ամիր Աբրուլահիանին և այլ պաշտոնյաների տեղափոխող ուղղաթիռը կործանվել էր այս տարվա մայիսի 19-ին երկրի հյուսիս-արեւմուտքում գտնվող Վերգեզան շրջանում: Մայիսի 20-ի առավոտյան Իրանի փոխնախագահ Մոհսեն Մանսուրին հաստատել էր օդային աղետի հետևանքով նախագահի և նրան ուղեկցող անձանց զոհվելու փաստը: Պատվիրակությունը վերադառնում էր Ադրբեջան կատարած այցից հետո, որտեղ Ռայիսին և նրա ադրբեջանցի գործընկեր Իլիամ Ալիեյը մասնակցել էին Արաբս գետի վրա հիդրոհանգույցի բացման արարողությանը:

Սեպտեմբերի 17-ին և 18-ին Լիբանանի տարբեր շրջաններում գրանցվել են փեյջերների և հեռահաղորդակցության սարքերի պայթյունի դեպքեր, որոնց արդյունքում տարբեր տվյալներով զոհվել է 12-15, տուժել՝ 3-4 հազար մարդ: Դեռևս հայտնի չէ, թե ինչն է դարձել տասնյակ սարքերի միաժամանակյա պայթեցման պատճառը: «Հրդեհակայան»-ը և Լիբանանի իշխանությունները կատարվածի համար մեղադրում են Իսրայելին:

«ԿԱԶԱԿՑԵՆՔ ՎՐԱՏԱՆԻ ԺՈՂՈՎՐԳԻՆ» ԱՄՆ ԳԵՍՊԱՆ

Միացյալ Նահանգները, չնայած Վրաստանի հետ առկա հարաբերություններին, կշարունակի աջակցել և օգնել հանրապետության ժողովրդին, որպեսզի երկիրը տնտեսապես ավելի հաջողակ լինի: Այդ մասին լրագրողներին հայտնել է Թեթիլիսիում ԱՄՆ դեսպան Ռոբին Դակիզանը:

«Ուզում եմ ես մեկ անգամ կրկնել, որ աշխարհում չկա Վրաստանի եվրատլանտյան ինտեգրման ավելի ուժեղ կողմակից, քան ԱՄՆ-ն է: Մենք կշարունակենք աջակցել և օգնել վրաց ժողովրդին, որպեսզի Վրաստանը դառնա ավելի ուժեղ, տնտեսապես ավելի հաջողակ երկիր, Եվրամիության անդամ, իսկ հայտարարությունները, որոնց նպատակը Վրաստանին ԱՄՆ-ից մեկուսացնելն է, ոչ մի օգուտ չեն բերի», - ասել է դիվանագետը:

Լեռնային Ղարաբաղի ժողովուրդն ունի ինֆորմացիան և վերադարձի անվիճելի իրավունք, իրավունքներ, որոնք անհրաժեշտ են Հայաստանի և Ադրբեջանի միջև ցանկացած սեռական խաղաղության համար:

Ասված է Լեռնային Ղարաբաղի ժողովրդի հիմնարար իրավունքների պաշտպանության հանձնախմբի հայտարարության մեջ:

«Այսօր լրանում է Ադրբեջանի կողմից իրականացված էթնիկ զտումների և ցեղասպանության հետևանքով Լեռնային Ղարաբաղից՝ իրենց նախնիների հողերից վտարված ավելի քան 100,000 հայերի բռնի տեղահանման մեկ տարին: Այս ծանր տարեդարձին մենք հարգում ենք արմատախիլ արված կյանքերն ու հիշում վերապարած ցավալի իրադարձությունները: Սա դաժան հիշեցում է, որ այս ճգնաժամը հեռու է ավարտից, իսկ արդարությունը՝ դեռևս անհասանելի: Վերադարձի իրավունքը պետք է լինի իրացվող ջանքերի առաջնագծում:

Բաքվի ապամարդկային հռետորաբանությամբ և ցեղասպան մտադրություններով խթանված զանգվածային բռնի տեղահանումը, որը նշանավորվեց ինամայա ավերիչ շրջափակմամբ և բացահայտ ռազմական ագրեսիայով, միջազգային իրավունքի ակնհայտ խախտում էր: Ադրբեջանը ձգտել է իրագործել և Լեռնային Ղարաբաղի բնիկ հայերի զանգվածային ոչնչացումը՝ մի ամբողջ քաղաքակրթություն հեռացնելով իր հայրենիքից և պարտավորություն ստանձնելով ոչնչացնել նրա քաղաքական, մշակութային և կրոնական ներկայության և հիշողության բոլոր մնացորդները:

Սա անընդունելի է: Սա Լեռնային Ղարաբաղում հայ ժողովրդի հազարամյա շարունակական ներկայության պատմական խաթարում է:

Տեղահանված ժողովուրդները հայրենիք վերադառնալու անքակտելի իրավունք ունեն. այս սկզբունքը վերահաստատել է ՄԱԿ-ի Միջազգային դատարանը 2023 թվականի նոյեմբերյան որոշմամբ՝ Ադրբեջանից պահանջելով ապահովել 2023 թվականի սեպտեմբերից հետո բռնի տեղահանվածների անվտանգ և անարգել վերադարձը:

Լեռնային Ղարաբաղի ժողովուրդն ունի ինքնորոշման և վերադարձի անվիճելի իրավունք, իրավունքներ, որոնք անհրաժեշտ են Հայաստանի և Ադրբեջանի միջև ցանկացած տեսական խաղաղության համար: Մենք մերժում ենք ցանկացած վարկած, որը ենթադրում է, որ ճգնաժամն ավարտվել է միայն այն պատճառով, որ հայ բնակչությունը բռնի տեղահանվել է: Իսկական խաղաղությունը չի կարող կառուցվել մի ամբողջ ժողովրդի հարկադրանքի կամ ոչնչացման վրա: Տեղահանված անձանց իրավունքները պետք է հարգվեն, իսկ նրանց վերադարձը ապահովվի միջազգային պաշտպանության ներքո:



ջանի միջև ցանկացած տեսական խաղաղության համար: Մենք մերժում ենք ցանկացած վարկած, որը ենթադրում է, որ ճգնաժամն ավարտվել է միայն այն պատճառով, որ հայ բնակչությունը բռնի տեղահանվել է: Իսկական խաղաղությունը չի կարող կառուցվել մի ամբողջ ժողովրդի հարկադրանքի կամ ոչնչացման վրա: Տեղահանված անձանց իրավունքները պետք է հարգվեն, իսկ նրանց վերադարձը ապահովվի միջազգային պաշտպանության ներքո:

տակների համար կա զգալի միջազգային աջակցություն. աջակցություն, որն այժմ կախված է Հայաստանի կառավարության ակտիվ առաջնորդությունից:

Մենք կոչ ենք անում Հայաստանի կառավարությանը՝ վճռական գործողություններ ձեռնարկել այս կարևորագույն ուղղությամբ Ադրբեջանի հետ խաղաղ բանակցություններում: Առանց վերադարձի իրավունքի չի կարող լինել կայուն խաղաղություն տարածաշրջանում: Միջազգային հանրությունը պատրաստ է աջակցել այս գործին: Սակայն Հայաստանի կառավարությունը պարտավոր է վճռականորեն և հաստատակամորեն պաշտպանել վերադարձի իրավունքը:

Այս հարցի շուրջ Հայաստանի կառավարության լռությունը ոչ միայն խաթարում է Լեռնային Ղարաբաղի ժողովրդի հիմնարար իրավունքները, այլև վտանգում է Հայաստանի Հանրապետության երկարաժամկետ անվտանգությունը:

Խաղաղությունը պահանջում է մարդկային արժանապատվություն, իսկ մարդկային արժանապատվությունը միշտ արմատավորված է մարդու հիմնարար իրավունքների երաշխավորման մեջ»:

Լեռնային Ղարաբաղի ժողովրդի հիմնարար իրավունքների պաշտպանության հանձնախումբ

ԶԱՅՏ ԵՆ ՆԵՐԿԱՅԱՑՐԵԼ ԸՆԴՈՒՄ ԱՂՐԲԵՋԱՆԻ

Լեռնային Ղարաբաղի դեմ ադրբեջանական հարձակումից և ավելի քան 100,000 հայերի տեղահանումից մեկ տարի անց Գեղամ Ստեփանյանի ու Արսակ Բեգլարյանի կողմից հայց է ներկայացվել Միջազգային ֆրեական դատարանի դատախազին՝ մարդկության դեմ հանցագործությունների համար:

Թուֆեսկյան հիմնադրամի և «Արցախի աջակցության միության» համագործակցությամբ միջազգային առաջատար փաստաբաններ Ֆրանսուա Զիմերեյը և Կատալինա դե լա Սոտան ներկայացնում են Արտակ Բեգլարյանին և Գեղամ Ստեփանյանին: Նրանք զբաղեցրել են Լեռնային Ղարաբաղի Մարդու իրավունքների պաշտպանի պաշտոնը և եղել են իրենց հայրենիքից տեղահանված ավելի քան 100,000 մարդկանց մեջ:

Հայցի մեջ ընդգծվում է, որ նրանք ստիպված էին տառապել սևնդի և առողջ

ջապահական օգնության բացակայությունից, որը հարուցվել էր 2022թ. դեկտեմբերին սկսած Լեռնային Ղարաբաղի 9-ամսյա շրջափակման հետևանքով: Դրան հաջորդեց Ադրբեջանի զինված ուժերի հանկարծակի ագրեսիան 2023 թվականի սեպտեմբերի 19-ին և բնակչության բռնի տեղահանությունը:

Մի խումբ այլ ղեկավարներ և բնակիչներ, որոնք չկարողացան դուրս գալ Լեռնային Ղարաբաղից, ձերբակալվեցին Ադրբեջանի իշխանությունների կողմից և պահվում են անազատության մեջ: Նրանք ենթարկվում են խոշտանգումների և վատ վերաբերմունքի, ինչպես նաև զրկված են ընտանիքների ու փաստաբանների հետ պատշաճ հաղորդակցության հնարավորությունից:

Ֆրանսուա Զիմերեյի և Կատալինա դե լա Սոտայի կարծիքով՝ «Ոչինչ չի կարող արդարացնել խաղաղ բնակչության՝ իրենց հայրենիքից ու տներից բռնի զրկման փաստը: Աշխարհը պետք է մերժի այս վայրագությունը, որը մեր ներկայացրած հայցի նպատակն է»:

Հայցը ներկայացվել է որպես «հաղորդում»՝ համաձայն Հռոմի ստատուտի 15-րդ հոդվածի, որը հնարավորություն է տալիս դատախազին հետաքննություն սկսել ներկայացված տեղեկությունների հիման վրա: Փաստաբանների խոսքով՝ «Լեռնային Ղարաբաղի հայերի տեղահանությունն ունի մարդկության դեմ հանցագործության բոլոր հատկանիշները: Այն եղել է անձանց բռնի տեղահանում նրանց օրինական բնակության վայրից՝ որպես լայնամասշտաբ ոտնձգություն քաղաքացիական բնակչության դեմ ամբողջովին գիտակցելով դրա հետևանքները: Բոլոր պայմաններն առկա են, որ այդ հանցագործությունների պատասխանատուները արդարադատության ենթարկվեն միջազգային քրեական իրավունքի շրջանակներում»:

ԳԼԽԱՎՈՐ ԴԱՏԱԽԱՋՐ ՄԵՐԺՎԵԼ Է

ՄՊԻՏԱԿՑԻ ՀԱՅԿՈՅԻ ՈՐԴԻՆ ՉԻ ԿԱԼԱՆՆԱՎՈՐՎԻ

Ինչպես ավելի վաղ «Ժողովուրդ» օրաթերթը գրել էր՝ Մոլիսակցի Հայկոյի որդու կալանավորման հարցը հասավ վճռաբեկ դատարան: «Ժողովուրդ» օրաթերթին հայցնի էր դարձել, որ Գլխավոր դատախազությունը դիմել է վճռաբեկ դատարան՝ դահանջելով բեկանել ՀՀ վերաբնակիչ դատարանի որոշումը: Արդյունքում, վճռաբեկ դատարանը մերժեց Գլխավոր դատախազ Աննա Վարդապետյանին:



Ասել է թե՛ ԶԶ բոլոր դատական ատյանները՝ առաջին ատյանը, ԶԶ վերաքննիչ ու վճռաբեկ դատարանները, մերժեցին իրավապահների՝ հայտնի երգչի որդու կալանավորելու միջնորդություններն ու բողոքները:

Նշենք, որ ԶԶ վերաքննիչ դատարանը եւս մերժեց դատախազության բողոքը Զրաջյա Ղեւոնդյանի կալանավորման մասով:

«Ժողովուրդ» օրաթերթը գրել էր, որ ԶԶ գլխավոր դատախազությունը խիստ է տրամադրված է ամեն գնով ցանկանում է կալանքի տանել երգիչ Զայկ Ղեւոնդյանի՝ Սպիտակցի Զայկոյի որդուն՝ Զրաջյա Ղեւոնդյանին:

Մեզ հայտնի դարձավ, որ դատախազությունը բողոքարկել էր հայտնի երգչի որդու ազատ արձակման որոշումը եւ դիմել էր ԶԶ վերաքննիչ դատարան, սակայն վերաքննիչը եւս գործը կալանքի չտարավ, քանի որ հիմքեր չկային, իսկ հիմա գլխավոր դատախազը դիմել է Վճռաբեկ դատարան. տեսնենք, թե ինչ է սպասվում հայտնի երգչի որդուն:

Ինչպես հայտնի է՝ մայիսի 23-ին Զրաջյա Ղեւոնդյանն ազատ էր արձակվել առաջին ատյանի դատարանի նիստերի դահլիճից. դատարանը, հիմնավոր կասկածի բացա-

կայության հիմքով, մերժել էր քննիչի՝ Նրան կալանավորելու միջնորդությունը:

Բանն այն է, որ քննչական կոմիտեն հայտարարել էր, որ իշխանությունը բռնությամբ զավթելու փորձ է կանխել: Իշխանությունը յուրացնելու նախապատրաստության համար մեղադրանք է առաջադրվել հանրությանը Սպիտակցի Զայկո անունով հայտնի երգիչ Զայկ Ղեւոնդյանի որդուն. Նրան կալանավորելու միջնորդություն է ներկայացվել:

Քննչական կոմիտեն տեսանյութ էր հրապարակել, որում մի տղամարդ դժգոհում էր վարչապետ Նիկոլ Փաշինյանի վարած քաղաքականությունից. «Այստեղ մի էլք կա՝ մտնենք՝ կառավարությունը գրավենք, մտնենք Ազգային ժողով՝ գրավենք, մտնենք ոստիկանության շենք՝ գրավենք: Զիմա ես պատրաստ եմ մեռ-

նելու, ցավդ տանեմ, պիտի կրակեն թող կրակեն, ավելի լավ է մի 10-20 մարդ մեռնի, բայց, ընկեր, երկիր պահես (խմբ.)»:

Քննչականը պնդում է, թե այս խոսքերի հեղինակը Զրաջյա Ղեւոնդյանն է, որը նպատակ է ունեցել մի խումբ անձանց հետ զավթելու իշխանությունը. թե ովքեր են այդ անձինք, իրավապահները դեռ չեն պարզել, բայց, ըստ նախաքննական մարմնի, դիտարկվել էր նաեւ հանրահավաքի այդ ծրագիրը իրագործելու հարցը:

Ղեւոնդյանը չի ընդունում իրեն առաջադրված մեղադրանքը: Նրա փաստաբանը հայտարարել էր՝ ծայրագրությունը մոնտաժված է, կոնտեքստից կտրված, իսկ իր պաշտպանական իշխանությունը զավթելու որդե է մտադրություն չի ունեցել:

ՔՆՆՐ ՄԱՆՈՒԿՅԱՆ

ՔՐԵԱՎԱՆ ՔՐՈՆԻԿՈՆ

ՎԿԱՅԱԿԱՆ՝ ԿԱՇԱՌՔԻ ԳԻՄԱՑ. ԲՐԳՈՐԾԵՐ

ԶԶ հակակոռուպցիոն կոմիտեի օպերատիվ-հետախուզական վարչության կողմից իրականացված միջոցառումների եւ դրանց հիման վրա նախաձեռնված քրեական վարույթով կատարված լայնածավալ ապացուցողական եւ այլ վարույթային գործողությունների արդյունքում պարզվել է, որ ԶԶ ՆԳՆ ոստիկանության «Ճանապարհային ոստիկանություն» ծառայության գրանցման-հաշվառման եւ քննական կենտրոններից մեկի տեսուչ Վ. Զ.-ն, նույն կենտրոնի պետ Ա. Պ.-ի հետ խմբի կազմում, իսկ որոշ դեպքերում՝ նաեւ առանձին, իր մտերիմ Գ. Զ.-ի միջոցով, վարորդական վկայական ստանալու համար դիմած 25 անձանցից ձեռակալան բնույթ կրող տեսական եւ գործնական քննություններ ընդունելու դիմաց, պարբերաբար ստացել է տարբեր չափերի, ընդհանուր՝ շուրջ 5 մլն ԶԶ դրամ կաշառք:

Մասնավորապես, հիմնավորվել է, որ Ա. Պ.-ն եւ Վ. Զ.-ն, իրենց ծառայողական լիազորություններն օգտագործելով 25 անձանց օգտին ապօրինի գործողություններ կատարելու, այն է՝ համապատասխան գիտելիքների եւ հմտությունների բացակայության պայմաններում նրանց վարորդական վկայական տալու համար անհրաժեշտ տեսական եւ գործնական քննու-

թյունները կազմակերպելու դիմաց, Վ. Զ.-ի հետ մտերիմ հարաբերությունների մեջ գտնվող Գ. Զ.-ի միջոցով 2023 թվականի փետրվարից հոկտեմբերն ընկած ժամանակահատվածում պարբերաբար ստացել են 180.000-ից 320.000 ԶԶ դրամ կաշառք:

Բացի այդ, Վ. Զ.-ն վերը նշված նույն ժամանակահատվածում իր ծառայողական լիազորություններն օգտագործել է ի վնաս պետական եւ ծառայողական շահերի, ոչ պատշաճ է կատարել իր ծառայողական պարտականությունները, ինչպես նաեւ կատարել է պաշտոնական կեղծիքներ, իսկ չորս դեպքերով՝ դրդել է պաշտոնատար անձանց չարաշահել իրենց ծառայողական լիազորությունները:

Վերը նշված հանցավոր արարքների կատարման համար Ա. Պ.-ին մեղադրանք է ներկայացվել ԶԶ քրեական օրենսգրքի 435-րդ հոդվածի 2-րդ մասի 1-ին եւ 3-րդ կետերով /19 դրվագ/, Վ. Զ.-ին՝ 435-րդ հոդվածի 2-րդ մասի 1-ին եւ 3-րդ կետերով /19 դրվագ/, 435-րդ հոդվածի 2-րդ մասի 3-րդ կետով /6 դրվագ/, 441-րդ հոդվածի 1-ին մասով /21 դրվագ/, 46-441-րդ հոդվածի 1-ին մասով /4 դրվագ/ եւ 445-րդ հոդվածի 1-ին մասով /25 դրվագ/, իսկ Գ. Զ.-ին՝ 46-436-րդ հոդվածի 2-րդ մասի 3-րդ կետով /25 դրվագ/ եւ 44-46-436-րդ հոդվածի 2-րդ մասի 3-րդ կետով /2 դրվագ/:

Քրեական վարույթի շրջանակում մեղադրանքներ են ներկայացվել նաեւ Ա. Պ.-ին եւ Վ. Զ.-ին կաշառք տված անձանց: Զիշյալ բոլոր մեղադրյալների վերաբերյալ

քննված երեք տարբեր վարույթներով նախաքննությունն ավարտվել է, եւ վարույթների նյութերը մեղադրական եզրակացությամբ ուղարկվել են ԶԶ հակակոռուպցիոն դատարան՝ ըստ էության քննելու համար:

ՆԱՐԵԿ ՄԱԼՅԱՆՆ ԱԶԱՏ Է ԱՐՁԱԿՎԵԼ

Դատարանի սահմանած մեկ տարվա ազատազրկումն ամբողջությամբ կրելով՝ բանտարկյալ Նարեկ Մալյանը «Վարդաշեն» ԶԿԶ-ից ազատ է արձակվել:

Մալյանին մեղադրանք էր առաջադրվել ԶԶ քրեական օրենսգրքի 329-րդ հոդվածի 2-րդ մասի 3-րդ կետով, այն է՝ ատելություն, խտրականություն, անհանդուրժողականություն կամ թշնամանք հրահրելուն կամ քարոզչական ուղղված հրապարակային խոսքը, ինչպես նաեւ այդ նպատակով նյութեր կամ առարկաներ տարածելը հրապարակայնորեն ցուցադրվող ստեղծագործությունների, գանգվածային լրատվության միջոցների կամ տեղեկատվական կամ հաղորդակցական տեխնոլոգիաների օգտագործմամբ: Արարքը պատժվում է ազատազրկմամբ՝ մինչեւ չորս տարի ժամկետով: Նա ձերբակալվել էր 2023 թվականի սեպտեմբերի 20-ին: Ապրիլի 12-ին դատարանը Մալյանին մեղավոր էր ճանաչել եւ դատապարտել մեկ տարվա ազատազրկման:

ԸՆԹԱՑԻԿ

ԿԻԵՎՅԱՆ ՓՈՂՈՑԻՑ ՄԱՐԳ ԵՆ ԱՌԵՎԱՆԳԵԼ

«Ժողովուրդ» օրաթերթին հայտնի դարձավ, որ սեպտեմբերի 18-ին խառնաշփոթ իրավիճակ է եղել Բարեկամությունից դեպի Կիեւյան փողոց ճանապարհին:

Ըստ ակամատեսների՝ 4 կամ 5 անձ ծեծի են ենթարկվել մի երիտասարդի, նստեցրել մեքենան եւ առեւանգել:

«Ժողովուրդ» օրաթերթին հասած տեղեկությունների համաձայն՝ իրավապահները քաղաքացիների ահազանգի հետքերով գնացել են ու պարզել, որ սեպտեմբերի 4-ին Ղ.Ս.Ն Ռ.Բ.-ի հետ պայմանավորվածություն է ձեռք բերել, որ վերջինս պետք է ապահովի պատուհանի ապակյա փաթեթներ, որի համար Ղ.Ս.-ն վճարել է 455.000 դրամ եւ պարտք է մնացել 255.000 դրամ, սակայն փաթեթների պատրաստ չլինելու պատճառով՝ սեպտեմբերի 18-ին՝ ժամը 20:00-ին, Կիեւյան փողոցի 11 հասցեում մի խումբ տղաներ հանդիպել են, ինչից հետո սկսվել է ծեծկռուտը, ու վերոնշյալ հասցեից առեւանգել են միջադեպի մասնակիցներից մեկին՝ Ղ.Ս.-ին:

Արդյունքում ֆիզիկական եւ հոգեկան ներգործություն, ինքնիրավնջություն եւ մարդու առեւանգում կատարելու կասկածանքով ձերբակալվել են Ռ.Բ.-ն, Ա.Բ.-ն եւ Զ.Զ.-ն, իսկ խմբի մյուս անդամներին փնտրում են:

ԹՄՐԱՆՅՈՒԹ Է ՀԱՅՏՆԱԲԵՐՎԵԼ

Ոստիկանության Կոմայրիի բաժնի համայնքային ոստիկանները, իրացնելով ստացված տեղեկությունը, Գյումրիի Երեւանյան խճուղու հասցեներից մեկի մոտ թմրանյութ պահելու եւ օգտագործելու կասկածանքով հայտնաբերել, ձերբակալել եւ բաժին են տեղափոխել 48-ամյա մի տղամարդու: Անձնական խուզարկությամբ նրա մոտ հայտնաբերվել է 3,65 գրամ դեղնակակաչապնու գանգվածով կաթոցից: Տղամարդը հայտնել է, որ կաթոցիցում թմրանյութ է, պատրաստել է անձնական օգտագործման համար:

Գյումրիի բնակիչ 48-ամյա տղամարդը հայտնաբերվածի եւ կազմված փաստաթղթերի հետ ներկայացվել է Շիրակի մարզային քննչական վարչություն: Հանգամանքները պարզվում են:

ԲԱՅԱՐԱՅՏՎԵԼ Է ՀԱՆՑԱԳՈՐԾՈՒԹՅԱՆ 112 ԴԵՊՐ

Ըստ ոստիկանության օպերատիվ հաղորդագրությունների ամփոփագրերի՝ սեպտեմբերի 17-ից 18-ը ՆԳՆ ոստիկանության ստորաբաժանումները բացահայտել են հանցագործության 112 դեպք, որոնցից 4-ը՝ նախկինում կատարված:

Նախկինում կատարված հանցագործության դեպքերից բացահայտվել է խարդախության, անձնական ունեցվածքի գողության, մարմնական վնասվածք պատճառելու եւ այլ հանցագործությունների 1-ական դեպք:

Հայտնաբերվել են 3 հետախուզվող եւ 1 անհետ կորած:

Գրանցվել է գեղեցիկամթերքի կամավոր հանձնման 1 դեպք:

● Ըստ ոստիկանության տվյալների՝ սեպտեմբերի 18-ից 19-ը ԶԶ ՆԳՆ ոստիկանության ստորաբաժանումների կողմից բացահայտվել է հանցագործության 122 դեպք, որից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՊԱՅԹՅՈՒՆԻ ՊԱՏՃԱՌՆԵՐԸ

Սեպտեմբերի 17-ին՝ ժամը 17:00-ի սահմաններում, Տավուշի մարզի հեռանա համայնքի Սարիգյուղի վերջնամասում «Նոր տեղ շին» ՍՊԸ-ն ճանապարհի կառուցման ընթացքում պայթյուն է իրականացրել, որի հետևանքով քարի բեկորը շարտվել ու հարվածել է նշված ընկերության աշխատակից, Տավուշի մարզի բնակիչ 27-ամյա էդգար Նազարյանի գլխին, ով տեղում մահացել է: Էդգար Նազարյանը սահմանամերձ Կոթի գյուղի բնակիչ էր, Կոթիից տեղեկացանք, որ ընտանիքը Արուսյանում է բնակվում, էդգարը այդ ճանապարհի կառուցման ժամանակ շինարարական տեխնիկա է աշխատեցրել: Պայթյունի ժամանակ, մի քանի հոգով բլրի վրա կանգնած՝ հետեւել են պայթյունին: Ակնհայտ է, որ տեղի է ունեցել անվտանգության կանոնների խախտում, պայթյունի ժամանակ բոլոր աշխատողները պետք է գտնվեին անվտանգ հեռավորության, անվտանգ տեղ թաքնված լինեին: Էդգար Նազարյանն ամուսնացած էր, ունի փոքր աղջիկ: Նրա հուղարկավորությունը կկայանա սեպտեմբերի 20-ին սահմանամերձ Կոթիում:

33 ՀՁԲ ԴՐԱՄՈՎ ՀՈՂԱՄԱՍ Է ՕՏԱՐՎԵԼ

Դիլիջանի համայնքապետարանի ինտերնետային կայքը հայտնում է, որ Դիլիջանի համայնքի ղեկավար Դավիթ Սարգսյանի՝ 2024թ. հուլիսի 25-ի թիվ 847-Ա որոշմամբ 2024թ. օգոստոսի 26-ին աճուրդի է ներկայացվել Դիլիջանի համայնքի սեփականությունը հանդիսացող Բնակավայրերի հողերից 55.7քմ հողամասը, Դիլիջանի համայնքի, Աղավնավանք գյուղի 1-ին փողոց, թիվ 8/1 հասցեում բնակելի կառուցապատման նպատակով 33 420 դրամ մեկնարկային գնով: Կայացած աճուրդում 33 420 դրամ առավելագույն գնով հաղթել է Երեան քաղաքի, Խաչատրյան փողոց, 27/1 շենք, թիվ 9 բնակարանի բնակիչ Արմեն Յուսեյանը, որի մասին Դիլիջանի համայնքի հողամասերն աճուրդային կարգով օտարող հանձնաժողովի կողմից կազմվել է թիվ 10 արձանագրությունը: Օգոստոսի 28-ին Դիլիջանի համայնքի ղեկավար Դավիթ Սարգսյանը որոշել է հաստատել Դիլիջանի համայնքի հողամասերն աճուրդային կարգով օտարող հանձնաժողովի թիվ 10 արձանագրությունը եւ Դիլիջանի համայնքի սեփականությունը հանդիսացող Բնակավայրերի հողերից կազմվել է թիվ 55.7քմ մակերեսով հողամասը բնակելի կառուցապատման նպատակով օտարել Երեան քաղաքի բնակիչ Արմեն Յուսեյանին: Աղավնավանքը Դիլիջանի քաղաքից հեռու է 26 կմ, այդտեղ հողամասերի շուկայական գները բարձր են: List.am կայքում վաճառքի են դրված Աղավնավանքում 650 քմ մակերեսով 2 հողամասեր, որոնցից մեկի գինը նշված է 32 հազար դոլար, մյուսինը 37 հազար դոլար: Դիլիջանի քաղաքի, համայնքի հասարակական կառուցապատման հողամասերը ձեռնարկ աճուրդներով օտարվում են Երեանի, Վանաձորի, Իջեանի, Հայաստանի այլ բնակավայրերի բնակիչներին: Այդ ձեռնարկ աճուրդների հետեւանքով համայնքի բյուջե չեն մտնում հսկայական գումարներ:

ՈՍԿԱՆ ՍՈՐՈՑՅԱՆ Տավուշ

ԲՆԱԿԱՐԱՆ՝ 45 ՄԼՆ ԱՐԺՈՂՈՒԹՅԱՄԲ

ԿԳՄՍ ԳԼԽԱՎՈՐ ԲԱՐՏՈՒՂԱՐԻ ՈՒՆԵՑՎԱԾՔԸ

«Կրթական ծրագրերի կենտրոն» ՃԻԳ ղեկավար հիմնարկի վերջին 10 տարիների գլխավոր հաշվապահը նախորդ տարեկազմի նախագահ Վ. Կրթության, գիտության, մշակույթի եւ սպորտի նախարարության գլխավոր ֆուրսուղարը:



Գլխավոր քարտուղարի պաշտոնը ստանձնելիս պաշտոնատար անձի հաստիքը ստանձնելու վերաբերյալ հայտարարագրում Հակոբյանը 1,5 ամիս աշխատելու համար ստացել է 2 մլն 219 հազար դրամ աշխատանքի վարձատրություն, իսկ ԿԳՄՍ գլխավոր քարտուղարի պաշտոնում վարձատրվել է ընդամենը 10 մլն դրամ:

Գլխավոր հաշվապահ եղած տարիներից 2020 թականին Հասմիկ Հակոբյանը ձեռք է բերել անհատական բնակելի տուն, գրեթե անհավանական՝ 45 մլն դրամով, որը իրենց թույլ չեն կարող տալ որոշ պետական պաշտոնյաներ: Հակոբյանը տրանսպորտային որեւէ միջոց չի հայտարարագրել:

Գլխավոր քարտուղարի բանկային հաշիվների մնացորդը կազմել է 700 հազար դրամ, կանխիկ դրամական միջոցները կազմել են 1 մլն 1 հազար դրամ: 2023 թվականի հաշվետու տարվա եկամուտները կազմել են 12 մլն 466 հազար դրամ, որից 10 մլն 148 հազար դրամը աշխատանքի վարձատրություն է ՀՀ ԿԳՄՍ նախարարությունից, 2 մլն 200 հազար դրամը՝ «Կրթական ծրագրերի կենտրոն» ՃԻԳ պետական հիմնարկից, իսկ 118 հազար դրամը՝ «ՔԼԵՎԸՐ ՏԵՔ» լոգիստիկ ընկերությունից: Ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 43 մլն դրամ:

Հասմիկ Հակոբյանի ամուսնու՝ Վարդան Սարգսյանի հայտարարագրից հասկանում ենք, որ նշված անհատական բնակելի տունը գտնվում է Կոտայքի մարզի Բալասախույս գյուղում:

Հակոբյանի ամուսնու՝ հաշվետու տարվա եկամուտը կազմել է 5 մլն 22 հազար դրամ, որը երեք կազմակերպություններից՝ «ՖԻՇՄԵՆ ԻՄՊՈՐՏ», «ԱՐՏՖԱՐՄ», «ՔԼԵՎԸՐ ՏԵՔ» ընկերություններից ստացած աշխատանքի վարձատրությունն է: Հետաքրքիրն այն է, որ Վարդան Սարգսյանի հայտարարագրում ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 27 մլն դրամ, որը նույն բնակարանի հիփոթեքն է:

Անհասկանալի է, թե ինչպես է նույն օրը նույն տեղում ձեռք բերված բնակարանի հիփոթեքային վարկի մայր գումարի մնացորդ կնոջ հայտարարագրում կազմել 43 մլն դրամ, իսկ ամուսնու հայտարարագրում՝ 27 մլն դրամ:

Հասմիկ Հակոբյանը մշտապես կատարել է հաշվապահական աշխատանքներ: 2000 թվականից եղել է «Որդան կարմիր» ՍՊԸ-ի հաշվապահը, ապա «Անտարես» ՍՊԸ-ի հաշվապահը: Հաշվապահական 2-3 տարվա փորձ ունենալով՝ Հակոբյանը նշանակվել է «Կրթական ծրագրերի կենտրոն» ՃԻԳ պետական հիմնարկի որպես հաշվապահ, աշխատելով 10 տարի այս պաշտոնում՝ հետագայում ստանձնել է գլխավոր հաշվապահի պաշտոնը: ԷՄՄԱ ՄԻՔՅԵԼՅԱՆ

ՑԱՆԿԱՆՈՒՄ Է ԱՐՐԲԵՋԱՆԻ ԱԿՏԻՎՆԵՐՆ ՈՒՂՈՒԵԼ ԱՐՑԱՆԻ ՖՈՆԴԻՆ

ԱՄՆ Կոնգրեսի ներկայացուցիչների դալասի անդամ Ադամ Շիֆը, ով Հայ դասի Ամերիկայի հանձնախմբի սաստումն ունի Սենատի առաջիկա ընտրություններին ընդառաջ, ներկայացրել է երկկուսակցական օրենսդրական նախագիծ՝ Արբեջանի ֆինանսական ակտիվները բռնագրավելու եւ դրանք «Արցախի եկամուտների վերականգնման հիմնադրամին»՝ փոխանցելու համար, որը ղեկ է ստեղծվի ցեղապետական էթնիկ գոտիների արդյունքում՝ Արցախից բռնի կերպով տեղահանված հայերին կորցրած եկամուտների համար փոխհատուցումներ սրահանելու նպատակով:

Մեկնաբանելով նախագիծը՝ Հայ դատի Վաշինգտոնի գրասենյակի գործադիր տնօրեն Արամ Համբարյանը նկատել է. «Մենք միանում ենք կոնգրեսական Շիֆին՝ ձգտելով համապատասխան ԱՄՆ նախագահի լիազորություններին՝ բռնագրավել ադրբեջանական ակտիվները եւ դրանք փոխանցել «Արցախի եկամուտների վերականգնման հիմնադրամին»՝ Արցախի եւ հայ ժողովրդի դեմ Ադրբեջանի հանցագործությունների համար արդարադատություն ապահովելու համարձակ նախաձեռնությանը: Հայ դատի Ամերիկայի հանձնախմբի ազգային խորհուրդը, տարածաշրջանային մարմինները եւ տեղական մասնաճյուղերը հպարտ են, որ սատարում են Ադամ Շիֆին՝ մեր համայնքի երկարամյա բարեկամին Կալիֆոռնիայից ԱՄՆ Սենատի անդամի համար նրա պայքարում եւ խրախուսում ենք «Ոսկե նահանգի» ամերիկահայերին քվեարկել եւ կամավորորագրվել նրա քարոզարշավին:

թին, Ջիմ Կոստան, Ան Էշուն, Ջոջ Գոթհայմերը, Դազ Լա Մալֆան, Սեթ Սազազիները, Ջեյմս Մոք Գովերնը, Գրեյս Մենզը, Քեյլին Մուլինը, Գրեյս Նապոլիտանոն, Էլենոր Յոլմա Նորթոնը, Յան Շակոլսկին, Լինդա Սանչեսը, Բրեդ Շերմանը, Դինա Տիտուսը եւ Լորի Թրահանը:

Արցախի եկամուտների վերականգնման ակտը նպատակ ունի պատասխանատվության ենթարկելու Ադրբեջանին՝ ըստ հետեւյալի.
• Ադրբեջանի կառավարությանը պարտադրել փոխհատուցում տրամադրել էթնիկ գոտան ենթարկված հայերին:
• «Արցախի եկամուտների վերականգնման հիմնադրամի» ստեղծում կորսված գույքի եւ թիվների եկամուտների փոխհատուցման նպատակով:
Եթե Ադրբեջանը հրաժարվի, ապա օրինագիծը թույլ է տալիս կալանք դնել ԱՄՆ-ում Ադրբեջանի ինքնիշխան ակտիվների վրա՝ այդ վճարումները կատարելու համար:

Հատկանշական է, որ օրինագիծը վերահաստատում է Արցախի հայերի վերադարձի եւ նրանց սեփականության տիրապետման իրավունքները: Ակտիվների առգրավման միջոցով փոխհատուցումը չի վերացնի հայկական գույքի սեփականության հանգամանքը՝ ապահովելով, որ հայերը կարողանան վերականգնել իրենց տները եւ թիվները:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 10 պատահար. 2 մարդ զոհվել է, 11-ը՝ ստացել տարբեր աստիճանի մարմնական վնասվածքներ:

«ԱՐՄԵՆԻԱ»

ՓԱՌԱՏՈՆՆԵ ԱԶԳԱՐԱՐԵԼ Է ՀԱՄԵՐԳԱՇՐՋԱՆԻ ԲԱՅՈՒՄԸ

Մեկնարկել է «Արմենիա» 8-րդ միջազգային երաժշտական փառատոնը, որով էլ ազդարարվել է Հայաստանի դեսպանի սիմֆոնիկ նվագախմբի 19-րդ համերգաբաժանի բացումը:

Մինչևե հոկտեմբերի 28-ը շարունակվող փառատոնը 5 սիմֆոնիկ համերգ կապարգեւի դասական երաժշտության սիրահարներին, այդ թվում՝ Հայաստան այցելող զբոսաշրջիկներին:

Համերգային երեկոյին ներկա էին ՀՀ ԿԳՄՍ նախարար Ժաննա Անդրեասյանը, Հայաստանում ԵՄ պատվիրակության ղեկավար, դեսպան Վասիլիս Մարագոսը, ԿԳՄՍ նախարարի տեղակալ Դանիել Դանիելյանը, բարձրաստիճան պաշտոնյաներ, ՀՀ-ում հավատարմագրված դեսպաններ, Հայաստան ժամանած՝ ֆրանկոֆոնիայի խաղերի կազմկոմիտեի պատվիրակության անդամներ:

«Արմենիա» 8-րդ միջազգային փառատոնի բացման համերգի ծրագրում հնչել են Գրիգոր Եղիազարյանի «Հայաստան» սիմֆոնիկ պոեմը, Ալեքսեյ Շոբի «Ճամփորդական նորատետր», Ե. Սերգեյ Ռախմանինովի «Ճամփորդական նորատետր», Ե. Սերգեյ Ռախմանինովի «Ճամփորդական նորատետր» և Սերգեյ Ռախմանինովի «Ճամփորդական նորատետր» և Սերգեյ Ռախմանինովի «Ճամփորդական նորատետր» կոնցերտը: Համերգը ղեկավարում էր դիրիժոր Սերգեյ Սմբատյանը: Շոբի և Ռախմանինովի դաշնամուրային կոնցերտները Հայաստանի պետական սիմֆոնիկ նվագախմբի հետ կատարել է դաշնակահար Եվգեն Սունվոն:

Եվգեն Սունվոն Երեւան էր այցելել եւ Հայաստանի պետական սիմֆոնիկ նվագախմբի հետ ելույթ էր ունեցել նաեւ 2023 թվականին: Դաշնակահարը նկատում է, որ Սիմֆոնիկ նվագախմբի եւ մասնավոր Սմբատյանի հետ համագործակցության լավ փորձ ունի, եւ իր համար հաճելի է Սիմֆոնիկ նվագախմբի ու նրա ղեկավարի հետ համատեղ աշխատանքը:

Ռախմանինովի «Ճամփորդական նորատետր» կոնցերտն ամենահայտնի դաշնամուրային ստեղծագործություններից է, եւ դաշնակահարի խոսքով՝ միշտ հաճելի է ղեկավարել այդ գեղեցկագույն երաժշտության մեջ ու ներկայացնել սեփական հույզերը: Անդրադառնալով Ալեքսեյ Շոբի «Ճամփորդական նորատետր» պետական սիմֆոնիկ նվագախմբի Գեղարվեստական ղեկավար Սերգեյ Սմբատյանի նորատետրը՝ կոնցերտին՝ Եվգեն Սունվոն նկատում է, որ ստեղծագործության անվանումն արդեն խոսում է երաժշտության մասին: Շոբի կոնցերտի հնչյուններն ունկնդրին ու կատարողին շատ սահուն տեղափոխում են մի վայրից մյուսը՝ փոխանցելով հեղինակի զգացումներն ու ապրումները: Համերգից առաջ մենակատարը հույս հայտնեց, որ համերգատարահում ներկայանալը մեծ բավականություն կստանան ծրագրից: Իսկ ունկնդրի վերաբերմունքը երեկոյի ընթացքում արտահայտվում էր բուն ու ջղադարձ ծափերով:



Ստեղծ նաեւ, որ Եվգեն Սունվոն դաշնամուրի վարպետության դասեր է անցկացրել «Երաժշտություն հանուն ապագայի» հիմնադրամի պատանի երաժիշտների համար: «Արմենիա» միջազգային երաժշտական փառատոնի հաջորդ համերգը տեղի կունենա սեպտեմբերի 23-ին: Համերգային ծրագրում ներառված են Էդվարդ Սիրոբյանի, Ալեքսեյ Շոբի և Կամիլ Սեն-Սանսի ստեղծագործությունները: Հայաստանի պետական սիմֆոնիկ նվագախմբի հետ ելույթ կունենա թավջութակահար Մաքսիմիլիան Յորնունգը: Համերգը կղեկավարի դիրիժոր Նաբիլ Շեհասանը: «Արմենիա» 8-րդ միջազգային երաժշտական փառատոնը կազմակերպել է Հայաստանի պետական սիմֆոնիկ նվագախումբը՝ ՀՀ էկոնոմիկայի նախարարության Զբոսաշրջության կոմիտեի աջակցությամբ: ՀՀ ԿԳՄՍ նախարարություն

ՄԻՋՈՑԱՌՈՒՄՆԵՐ

«ԱԶՆԱՎՈՒՐԻ ՄԱՆԿՈՒԹՅԱՆ ԹԱՏՐՈՆԸ» ՑՈՒՑԱԳՐՈՒԹՅՈՒՆ

Գրականության եւ արվեստի թանգարանի նոր ցուցադրահում սեպտեմբերի 18-ից գործում է «Պատում մեկ իրի» ժամանակավոր ցուցադրությունների շարքը, որի շրջանակում պարբերաբար կցուցադրվեն թանգարանում պահվող բացառիկ ցուցանմուշներ: Շարքի մեկնարկը տրվել է Շառլ Ազնավուրի ծննդյան 100-ամյակին նվիրված «Ազնավուրի մանկության թատրոնը» ցուցադրությամբ:

ՀՀ կրթության, գիտության, մշակույթի եւ սպորտի նախարար Ժաննա Անդրեասյանը եւ նախարարի տեղակալ Ալֆրեդ Քոչարյանն այցելել են ցուցահանդես, շրջայց կատարել թանգարանում եւ հանգամանորեն ծանոթացել ներկայացված ցուցանմուշների պատմությանը:

Նշենք, որ ցուցադրության առանցքային մաս է կազմում բացառիկ նմուշ հանդիսացող Ազնավուրի առաջին բեմական զգեստը: Այս ցուցանմուշի կողքին ներկայացված են նաեւ մեծ շանտոյեի մանկության լուսանկարները, ներկայացումների ազդագրերը:

ՀԱՅ ԱՐՎԵՍՏԱԳԵՏՆԵՐԻ ՑՈՒՑԱՀԱՆԳԵՍ

Իտալիայի Մանտուա քաղաքի BLOOM ROOM Laboratory ցուցադրահում բացվել է ցուցահանդես, որն իտալաբնակ հանրությանը կներկայացնի 11 հայ ստեղծագործողների աշխատանքները:

GET in TOUCH խորագիրը կրող ցուցահանդեսին ներկայացվել են Հրաչյա Վարդանյանի, Ալբերտ Վարդանյանի, Էդգար Գրիգորյանի, Հարություն Կարապետյանի, Կարեն Բարսեղյանի, Մկրտիչ Մաթեոսյանի, Նորայր Կասպերի, Նվարդ Երկանյանի, Գուրգեն Գինոսյանի, ինչպես նաեւ EksyLeathergoods-ի, Muscari Association-ի եւ Family Care Foundation-ի (համատեղությամբ) ստեղծագործական նախագծերը: Ցուցահանդեսի համադրողն է Ավետիք Վարդանյանը, պրոդյուսերները՝ Հրաչյա Վարդանյանը, Անդրեա Միլոն Բենեդեթտա Օմբրոնին:

«Պատմության ընթացքում մարդկությունը ձգտել է հասկանալ ժամանակի

ֆենոմենը եւ կանխատեսել ապագան աշխարհաճանաչողությամբ, ծիսական արարողակարգերի ու աստղադիտումների միջոցով: Սա հանգեցրեց օրացույցների ստեղծմանը, որոնք ժամանակին կրում էին խոր ոգեղեն ու մշակութային նշանակություն: Այս հնագույն արտեֆակտները ավելին էին, քան ունեն ժամանակակից օրացույցները, սրանք ժամանակի ճանաչման սրբազան քրատեզներ էին, նախատեսված հասկանալ այն, «... ինչ էր էլ, կա ու դեռ պիտի գա»: Յուրաքանչյուր արվեստի գործ, որ ստեղծվել է համընդհանուր ժամանակային տարածության մեջ, դեր է խաղում ապագայի ձեւավորման վրա: Այն դառնում է անցյալը, ներկան ու ապագան կապող օղակ: Ստեղծագործությունները օգնում են մեզ ավելի լավ ճանաչել մեր սեփական ժամանակը՝ հնարավորություն տալով վերանայել անցյալը, գնահատել ներկան եւ կանխատեսել ապագան», - ցուցահանդեսի մասին նշում են Ավետիք եւ Հրաչյա Վարդանյանները: Նշենք, որ այն արդեն իսկ մեծ հետաքրքրություն է առաջացրել քաղաքում:

Ցուցահանդեսը GALIQUE Art Space-ի, ArtInsight հարթակի, BLUE X-ի եւ BLOOM ROOM Laboratory-ի համագործակցության արդյունքն է: Հավելենք, որ ցուցահանդեսը կտեւի մեկ ամսից ավելի:

ՄԱՐԶԱԿԱՆ

ՎԱՃԱՌՔԻ ԵՆ ՀԱՆՎԵԼ «ՆՈԱ» – «ՄԼԱԳԱ ԲՈՒԼԵՄԼԱՎ» ԽԱԳԻ ՏՈՄՍԵՐԸ

Կոնֆերենցիաների լիգայի Լիգայի փուլի առաջին տուրում Երեւանի «Նոան» հոկտեմբերի 3-ին Վազգեն Սարգսյանի անվան «Հանրապետական» մարզադաշտում կմրցի չեխական «Մլադա Բուլեւալի» հետ:

Խաղի տոմսերն արդեն վաճառքում են եւ հասանելի են tickets.noahfc.am կայքում:

Հիշեցնենք, որ «Նոան» Կոնֆերենցիաների լիգայի Լիգայի փուլի դուրս եկավ՝ սահմանելով մի շարք ռեկորդներ: Երեւանյան թիմը եվրոպական 50 թիմերից միակն էր, որը, պայքարը սկսելով որակավորման առաջին փուլից, հաղթահարեց 4 փուլ: «Նոան» նաեւ ընթացիկ մրցաշրջանի որակավորման փուլերի ամենախոշոր հաշվով հաղթանակը տարավ՝ 7:0 հաշվով հաղթելով Մալթայի «Սլիմա Ունդերթերսին»:

Կոնֆերենցիաների լիգայի Լիգայի փուլում «Նոան» առաջին խաղը կանցկացնի Երեւանում հոկտեմբերի 3-ին մրցելով չեխական «Մլադա Բուլեւալի» հետ: Հոկտեմբերի 24-ին Երեւանյան թիմը կհյուրընկալվի ավստրիական «Ռապիդին», իսկ նոյեմբերի 7-ին՝ Լոնդոնի «Չելսիին»:

Նոյեմբերի 4-ին «Նոան» կընդունի Ռեյկյավիկի «Վիկինգուրին», դեկտեմբերի 12-ին՝ Կիպրոսի ԱՊՕԵԼ-ին, իսկ Լիգայի փուլի վերջին խաղում դեկտեմբերի 19-ին կհյուրընկալվի սերբական «Բաշկա Տապոլային»:

ՄՊԵՐՑՅԱՆԸ՝ ՌԳ ԱՄԵՆԱԹԱՆԿԱՐԺԷՔ ՖՈՒՏԲՈՒԼԻՍ

Transfermarkt-ի մասնագետները թարմացրել են Ռուսաստանի առաջնության որոշ ֆուտբոլիստների տրանսֆերային արժեքի տվյալները:

«Կրասնոդարի» եւ Հայաստանի հավաքականի կիսապաշտպան Էդուարդ Սպեդյանի տրանսֆերային արժեքը մնացել է անփոփոխ եւ նա «Ջենիթի» կիսապաշտպան Վենդելի հետ միասին շարունակում է գլխավորել ՌԴԼ-ի ամենաթանկարժեք ֆուտբոլիստների վարկանիշը: Ֆուտբոլիստների տրանսֆերային արժեքը գնահատվում է 20 մլն եվրո:

Գերոգի Հարությունյանի տրանսֆերային արժեքը եւս մնացել է անփոփոխ եւ կազմում է 1 մլն եվրո:

«Լոկոմոտիվի» եւ Հայաստանի հավաքականի պաշտպան Նաիր Թիկ-Նիզյանի տրանսֆերային արժեքը գնահատվում է 6,5 մլն եվրո, թիմի նորեկ Էդգար Սեւիկյանի տրանսֆերային արժեքը՝ 2 մլն եվրո:

Հայաստանի հավաքականի եւ «Ռուբինի» կիսապաշտպան Ուզունկյուր Իվոյի տրանսֆերային արժեքը եւս չի փոխվել եւ կազմում է 1,5 մլն եվրո:

«Ռոստովի» կիսապաշտպան Խորեն Բայրամյանի տրանսֆերային արժեքը գնահատվում է 1 մլն եվրո:

● Սեպտեմբերի 23-ին՝ ժամը 19:30-ին, Երեւանի պետական կամերային թատրոնում կբեմադրվի «Սիրո խոստովանություն» ներկայացումը: Տոմսերի արժեքը՝ 3.000-8.000 դրամ:



ՖԻՆԱՆՍՆԵՐ

ՀԱՐՑ. Ի՞նչ է Կենտրոնական բանկի անկախությունը:
Արամ Գաբրիելյան (42 տարեկան)



ՊԱՏԱՍԽԱՆ. Գների կայունության ապահովման համար ինստիտուցիոնալ կարևոր նախապայման է ԿԲ-ների անկախությունը: Ուսումնասիրությունները վկայում են, որ ԿԲ-ների անկախությունը (գործառնական) նպաստում է իրականացվող դրամավարկային քաղաքականության վարկունակությանը՝ մեծացնելով շուկայի արժագանքը ԿԲ ազդակներին: Եմպիրիկ վերլուծությունները բացահայտել են ԿԲ-ի անկախության եւ ցածր գնաճի միջեւ ուղղակի կապ: Դրամավարկային քաղաքականության իրականացման առումով տարբերակում են ԿԲ-ի անկախության երեք աստիճան.

- նպատակի սահմանման,
- նպատակային ցուցանիշի սահմանման,
- գործառնական:

ՀՀ կենտրոնական բանկ

«ԺՈՂՎՈՒՐԳ». Անկախության ամենաբարձր աստիճանը նպատակի սահմանման անկախությունն է, որն ունի, օրինակ, ԱՄՆ ԴՊՀ-ն: Ելնելով տնտեսական քաղաքականության գերակայություններից՝ նա կարող է փոփոխել գլխավոր նպատակը: ՀՀ-ի դեպքում ԿԲ-ն օժտված չէ այս աստիճան անկախությամբ. ԿԲ-ի գլխավոր նպատակը սահմանված է ՀՀ սահմանադրությամբ եւ «ՀՀ կենտրոնական բանկի մասին» ՀՀ օրենքով: Նպատակային ցուցանիշի ընտրության անկախությունը Հայաստանում սահմանվում է «ՀՀ պետական բյուջեի մասին» ՀՀ օրենքով: Ինչ վերաբերում է գործառնական անկախությանը, այն ենթադրում է, որ ԿԲ-ն ինքնուրույն կարող է կիրառել իր գործիքակազմը գլխավոր նպատակին հասնելու համար: ՀՀ ԿԲ-ն ունի այս աստիճանի անկախություն, ինչով օժտված են ոչ բոլոր երկրների ԿԲ-ները: Օրինակ՝ Անգլիայի ԿԲ-ն մինչեւ 1998 թվականը չուներ գործիքակազմի կիրառման ինքնուրույնություն. դրան միջամտում էր գործադիր իշխանությունը:

ԿՎՐԳ

ՀԱՐՑ. Աղբյուրներ եւ սրանադրային միջոցներ ներմուծելիս՝ հայտարարագրման ժամանակ, ոչ ճշգրիտ տեղեկություններ ներդրում տուգանքի ի՞նչ չափ է սահմանված, եթե խախտումը առաջացնում է մաքսային վճարների դակաս հաշվարկում:

Հովհաննես Պողոսյան (50 տարեկան)



ՊԱՏԱՍԽԱՆ. Քաղաքացու հարցին ի պատասխան՝ հայտնում ենք, որ Հայաստանի Հանրապետության մաքսային օրենսգրքի 203 հոդվածի համաձայն՝ Հայաստանի Հանրապետության մաքսային սահմանով տեղափոխվող ապրանքները եւ տրանսպորտային միջոցները չհայտարարագրելը կամ ոչ իրենց անվանամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում հանցագործության հատկանիշների բացակայության դեպքում, առաջացնում է չհաշվարկված կամ պակաս հաշվարկված մաքսային վճարների գանձում օրենքով սահմանված կարգով, ինչպես նաեւ տուգանք՝ այդ մաքսային վճարների 50 տոկոսի չափով:

ՀՀ պետական եկամուտների կոմիտե

«ԺՈՂՎՈՒՐԳ». Նշենք, որ ՀՀ մաքսային օրենսգրքի 212 հոդվածի համաձայն՝ մաքսային կառույցների խախտման անմիջական օբյեկտ համարվող ապրանքները ենթակա են վերցման:

ԼՈՒՐ ԿՎՐԴ

Լուսանկարը՝ համացանցից

Կարտականություններ. _____

ԽՆԴՈՒԿ

- Արթնացիր, տղան, դպրոցից ուշանում ես:
- Լա՛վ, էլի, մա՛ն, մի քիչ էլ քննե՛:
- Չէ՛, դու արդեն մեծ ես, դպրոցում քեզ են սպասում:
- Ինչո՞ւ:
- Դու դպրոցի տնօրենն ես:

5 Լրացրո՛ւ:

Ես սիրում եմ հեռախոսով _____

Ինչ-որ մեկի «սուր գրոտեսկային հումորը» տեղ է գտել երրորդ դասարանի աշակերտների դասագրքում: Դժվար է պատկերացնել, որ փոքրիկների ստեղծագործ միտքը այս «երգիծանքից» կարող է զարգանալ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել



«Հայկուստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ **ԱՆՎՃԱՐ:**

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____

Ազգանուն՝ _____

Առաքման հասցե՝ _____

Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



	Շիրակ	+8 + 11 +24 + 29		Արարատ	+17 + 20 +33 + 35
	Կոտայքի լեռներ	+8 + 11 +25 + 29		Արմավիր	+15 + 18 +33 + 35
	Կոտայքի նախալեռներ	+16 + 18 +29 + 30		Վայոց ձորի լեռներ	+9 + 11 +25 + 27
	Գեղարքունիք	+9 + 11 +23 + 28		Վայոց ձորի նախալեռներ	+17 + 20 +32 + 35
	Լոռի	+9 + 14 +23 + 27		Սյունիքի հովիտներ	+17 + 21 +33 + 35
	Տավուշ	+12 + 17 +27 + 30		Սյունիքի նախալեռներ	+14 + 17 +29 + 32
	Արագածոտնի լեռներ	+9 + 12 +23 + 27		ԼՂՀ	+13 + 16 +27 + 31
	Արագածոտնի նախալեռներ	+15 + 18 +27 + 31		Երեւան	+24 + 26 +30 + 32

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Արշակունյաց 2, հեռ.՝ **010 54-64-23**
 Պետական գրանցման վկայականի համարը՝ 03U089086
 տրված է 24.11.2010
 Ստորագրված է տպագրության **19.9.2024**
 Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 Խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: